

Zeitschrift: Akzent : Magazin für Kultur und Gesellschaft

Herausgeber: Pro Senectute Basel-Stadt

Band: - (2006)

Heft: 3: Basel Volta : St. Johann-Quartier und Nordtangente : von der Keltensiedlung zum Novartis-Campus : Architekturstadt Basel

Artikel: Wandligen im Erschynigsbild vo dr Basler Chemie : Fusioone, Fusioone - und Uuslaagerige

Autor: Miville-Seiler, Carl

DOI: <https://doi.org/10.5169/seals-843500>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 04.08.2025

ETH-Bibliothek Zürich, E-Periodica, <https://www.e-periodica.ch>

Wandligen im Erschynigsbild vo dr Basler Chemie

Fusioone, Fusioone – und Uuslaagerige

Bis ane 1969 het me z Basel, wenn vo Chemie d Reed gsi isch, vo fimf groossen Undernämme gredt: vo dr J. R. Geigy (baseldysch Gyygi; grindet 1758), dr Durand-Huguenin (1872), dr Ciba (1884), dr Sandoz (1886) und dr Hoffmann (baseldysch Hoofmaa) -La Roche (1896).

Wo in sällem Joor 1969 d Durand-Huguenin vo dr Sandoz ibernoo worden isch, hänn die weenigschte gwisst, ass das numme dr Aafang von ere groosse Konzentratjoon gsi isch. Aber scho im Joor druff hänn sich Geigy und Sandoz zämmegschlosse. Jetz sinn s no drey gsi, aber ane 1996 isch die ganz groossi Fusioon koo: Sandoz und Ciba hänn fusioniert. Die neyi Firma het Novartis ghaisse; dr Namme laitet sich vom latynische novae artes (neyi Kinscht) ab. Esso sinn vo däne fimf no zwai iibrigbliebe: d Novartis und d Hoffmann-La Roche, wo men ere hit numme no kurz «Roche» sait. Si het sich vo den anderen unterschiide, indäm iir Ursprung nit in de

Faarbe, Chemikaalien und in dr Agrochemie gläagen isch, nai, d Roche het iir Schwäärzungt vo allem Aafang aa uff d Pharma gleggt.

Und wo die baide Konzäärn drno eso grooss gsi sinn, hänn si Undernämmesdail wider uusglaageret. Vo dr Novartis abdrennt worde sinn d Firme Syngenta (Agrobusiness), Ciba-Spezialiteeten und Clariant (baidi bedryye Spezialiteetechemie). Vo dr Roche in d Sälbständigkeit entflosse worden isch d Givaudan (Riechstoff, Aroome); wyteri Undernämmesdail sinn verkauft worde: an die holländische DSM (Vitamin) und an die dytschi Bayer (Pharma).

Und d Mensche?

Firmen und Firmenämme sinn s aint, d Mensche, wo in däne Firme schaffe, sinn s ander – und im Grund gnoo s Wichtigscht. Wo sich Undernämme zämmegschlosse hänn, isch s drum gange, Syn-

ergie z finden und Keschte z sängge. Das het zue vyle dausig Entlassige gfiert, zer Unrue im Personal und zer Angscht vor dr Kündigung, e Noot und en Angscht, wo au s Familieläabe vo de Bedroffene belaschtet het. Fir die «Oobere» het s mängmool groosziggi Abfindige gää, fir s «Fuessvolgg» – wenn s guet gangen isch – e myggerige «Sozialplan». Wo Wältfirme sich bemiet hänn, dr Konkurränzkampf z bestoo, het d Ruggsicht uff d Aarbeitnämmer die glainschti Rolle gspiilt. Mir alli mien drfir yystoo, dass Menschlikheit und Demokratie nit vor de Fabriggdoor Halt mache.

Carl Miville-Seiler

